

評註薛氏醫案

Kitasato Memorial Medical Library





55

Kitasato Memorial Medical Library

F
12-52



490.9
Se-26

No.
3537



富士川文庫

1921





評註薛氏醫案卷之五

古吳薛 已立齋著

檇李黃承昊履素評輯

脾腎虧損頭眩痰氣等症

閣老梁厚齋短氣有痰小便赤澀足跟作痛尺脈浮大按之則澀此腎虛而痰飲也
用四物送六味丸不月而康仲景先生云
氣虛有飲用腎氣丸補而逐之誠開後學

之矇瞶濟無窮之天枉腎氣丸即六味丸也

四物湯治頭目不清故用之

都憲孟有涯氣短痰暈服辛香之劑痰盛遺尿兩尺浮大按之如無余以為腎家不能納氣歸源香燥致甚耳用六味丸料三劑而愈

孫都憲形體豐厚楚神善怒面帶陽色口

渴吐痰或頭目眩暈或熱從腹起左三脉洪而有力右三脉洪而無力余謂是三陰虧損用補中益氣加麥門五味及加減八味丸而愈若人少者老態不耐寒暑不勝勞役四時迭病皆因少時氣血立長而勞心虧損或精血未滿而御女過傷故其見症難以悉狀此精氣不足但滋化源其病自痊又若飲食勞役七情失宜以致諸症

亦當治以前法設或六淫所侵而致諸症
 亦因真氣內虛而外邪乘襲尤當固胃氣
 為主蓋胃為五臟之根本故黃柏知母不
 宜輕用恐復傷胃氣也大凡權症屬內因
 乃形氣病氣俱不足當補不當瀉傷寒雖
 屬外因之宜分其表裡虛實治當審之
 先生此論發前人之奧義開後世之
 拘攣救人利物德莫大焉滋化源固

胃氣真醫雜症者之龜鑑讀者須細
 體察不得草草
 儒者王錄之素疲甚瀉吐之後大便燥結
 頭暈眼花等症尺脈浮大按之則瀉此腎
 氣虛而兼血虛也四物送六味丸四劑諸
 症悉退仍用前丸月餘而康
 余憲高如齋素唾痰服下痰藥痰去甚多
 大便秘結小便頻數頭暈眼花尺脈浮大

按之如無余謂腎家不能納氣歸源前藥復耗金水而甚用加減八味丸料煎服而愈

儒者楊丈魁素善痰諸藥不應服牛黃清心丸吐痰甚多或頭暈或熱從脇起左脈洪大有力右脈浮大而無力余曰此足三陰虧損虛火不能歸源用補中益氣加麥門五味及加減八味丸補其化源而愈

秋官張碧崖面赤作渴痰盛頭暈此腎虛水泛為痰用地黃丸而愈
儀制賀朝卿吞酸胸滿痰盛作瀉飲食少思用清氣化痰等藥前症益甚兩膝漸腫寒熱往來余謂脾胃虛濕熱下注用補中益氣倍參朮加茯苓半夏炮薑而愈
昌平守王天成頭暈惡寒形體倦怠得食稍愈勞而益甚寸關脈浮大此脾肺虛弱

用補中益氣加蔓荊子而愈後因勞役發熱惡寒諱言不寐得食稍安用補中益氣湯而痊

大尹祝文山因怒頭暈拗內筋攣時或寒熱日晡熱甚此肝火筋攣氣虛頭暈用八珍加柴胡山梔牡丹皮二十餘劑而愈上舍顧桐石會飲於周上舍第問余曰向年有涯東谷俱為無嗣納寵已而得疾皆

頭暈吐痰並用蘓合香丸惟有涯濕生何也余曰二症因腎虛不能納氣而為頭暈不能制水而為痰涎東谷專主攻痰行氣有涯專於益火補氣故耳後余應杭人之請桐石房勞過度亦患前症或用清氣化痰愈甚顧曰我病是腎虛不能納氣歸源治者不悟而歿惜哉

一男子素厚味胸滿痰盛余曰膏粱之人

內多積熱與法製清氣化痰丸而愈彼為
有驗備合餽送脾胃虛者無不受害
先兄體貌豐偉唾痰甚多脈洪有力殊不
耐勞遇風頭暈欲仆口舌欲裂或至赤爛
誤食薑蒜少許口瘡益甚服八味丸及補
中益氣如附子錢許即愈停藥月餘諸症
仍作此命門虛火不歸源也
此當與火不歸源條參看

侍御譚希曾喘咳吐痰或手足時冷此中
氣虛寒用補中益氣炮姜而愈
職方盧抑齋飲食素少或痰壅氣喘頭搖
目劓揚手擲足難以候脈視其面色黃中
見青此肝木乘脾土如小兒慢驚之症先
用六君柴胡升麻而安更以補中益氣加
半夏而痊
考功楊朴菴嘔吐痰涎胸腹膨脹飲食少

思左關脈弦長按之無力右關脈弦長按之微弱此木尅土用六君子加柴胡山梔木香而愈
一儒者體肥善飲仲秋痰喘用二陳苓連益甚加桑皮杏仁盜汗氣促加貝母枳殼不時發熱余以為脾肺虛寒用八味丸以補土母補中益氣以接中氣而愈
此條原載暑濕所傷門內殊無交涉

今移入痰嗽後
二守陳子忠飲食少思吐痰口乾常服二陳枳實黃連之類脾胃受傷乃問於余余述東垣先生曰脾胃之症實則枳實黃連瀉之虛則白朮陳皮補之彼遂以二味等分為丸常服由是多食而不傷過時而不饑
徽州汗商常服二陳枳實黃連青皮厚朴

胸腹快利後患腹脹請治脉已脫余曰至
暮必歿已而果然內經千言萬語只在人
有胃氣則生又曰四時皆以胃氣為本凡
脈促代屋漏之類或暴脫余急用參附等
藥多有復生者

一武職形體魁梧素不圍爐不喜熱食行
則喘促自謂氣實老痰服碑記丸攻伐之
診其脈洪數重按全無余謂命門火衰脾

肺虛寒與一味丸一服痰喘稍止數服全
止遂能親火喜熱飲食蓋碑記丸出自西
域遠方外人所製者經云西域水土剛強
其民不衣而褐薦其民華色而脂肥故邪
不能傷其形體其病生於內其治宜毒藥
由此觀之恐不可槩用也

太倉陸中舍以腎虛不能攝水肚腹脹大
用前丸未數服而歿于京今之專門治蟲

者即此方也又名黑丸子用之無不速亡
 機房蔡一素不慎起居患症同前更加手
 足逆冷惡寒飲食余用補中益氣湯加附
 子一錢先與其陽至數劑諸症漸愈余因
 他往或用峻厲之劑下鮮血甚多亦致不
 起
 一男子素吐痰遇怒其痰益甚胸膈痞滿
 此肝木制脾土也用六君加木香治之而

痰

一婦人素鬱結胸膈不寬吐痰怒膠用加
 味歸脾湯乃瘥
 一婦人吐痰頭暈帶下青黃用四七湯送
 白丸子小柴胡加白木茯苓治之而安
 一婦人元氣素弱痰氣時作或咽間不利
 或胸痞等症余以為鬱結傷脾用加味歸
 脾湯治之而愈後遇恙怒前症仍作惑於

衆言以為痰飲妄用祛痰之劑吐瀉數次
變諸異症口禁不醒余以為脾胃復傷日
用六君子一劑米飲濃煎常服匙許至四
日漸進粥食乃服前藥間以歸脾湯喜其
善調養兩月餘諸症悉愈

附論各項痰症

愚按痰症有因脾氣不足者有因脾氣鬱
滯者有因脾肺之氣虧損者有因腎氣虛

不能攝水泛而似痰者有因脾氣虛不能
攝涎上溢而似痰者有因熱而生痰者有
因痰而生熱者有因風寒暑濕而得者有
因驚而得者有因氣而得者有因酒而得
者有因食積而得者有脾虛不能運化而
生者有胸中痰蘆而似鬼附者各審其原
而治之
痰者脾胃之津液或為飲食所傷或因七

情六淫所擾故氣壅痰聚謔云肥人多痰而在瘦人亦有之何也蓋脾統血行氣之經氣血俱盛何痰之有皆繇過思與飲食所傷損其經絡脾血既虛胃氣獨盛脾為已土胃為戊土戊癸化火是以濕因氣化故多痰也遊行周身無所不至痰氣既盛客必勝主或奪於脾之大絡之氣則倏然仆地者此痰厥也升於肺則喘急咳嗽迷

於心則怔忡恍惚走於肝則眩暈不仁脇肋脹痛關於腎不哈而多痰唾留於胃脘則嘔瀉而作寒熱注於胸則咽膈不利脊稜骨痛入於腸則漉漉有聲散則有聲聚則不利竊謂若脾氣虛弱不能消濕宜用補中益氣湯加茯苓半夏若因脾氣虛弱濕熱所致宜用東垣清燥湯若因胃氣虛弱寒痰凝滯宜用人參理中湯若因脾胃

虛寒而痰凝滯者宜用理中化痰丸若因脾虛而痰滯氣逆宜用六君子加木香若因脾胃虛弱而肝木乘侮宜用六君子加柴胡頭痛宜用半夏白朮天麻湯若因脾腎虛弱寒邪所乘以致頭痛宜用附子細辛湯

宜用牛黃抱龍丸或牛黃清心丸若因肝經血燥而生痰者宜用六味地黄丸若因熱盛制金不能平木而生痰者宜用柴胡梔子散若因中氣虛弱不能運化而生痰者宜用六君子柴胡鈞藤

若風寒鬱熱宜用參蘓飲加山梔片茶若中氣虛宜用補中益氣加半夏桔梗若腎虛陰火炎上空用六味丸若腎氣虛寒痰

上瀉用八味丸若肺氣虛弱不能清化而有痰者宜用六君子加桔梗若因脾經氣滯而痰中有血者宜用加味歸脾湯若因肝經血熱而痰中有血者宜用加味逍遙散若因肝腎陰虛而痰中有血者宜用六味地黄丸若因過服寒涼之劑而吐痰有血者必用四君子湯之類以去之按食痰多因脾虛食難消化而作痰也血

虛者多因脾氣衰弱不能生血也皆當調補脾胃之氣則無食積之患而血自生矣王節齋立加味化痰丸治痰滿胸膈咽喉不利先生不以為然云前症若因鬱傷脾氣脾血虛損用歸脾湯加炒梔柴胡治之若因怒動肝火脾土受尅用六君子加炒梔柴胡平之若因飲食傷脾營氣虛弱用六君子湯調之若因勞傷元氣用補中益

氣湯主之東垣先生云胃為五臟之根本
胃氣益虛脾無所稟五臟皆虛諸症蜂起
矣因欲補之而化痰丸以治老痰鬱痰在心
肺之分咽喉之間而吐不出咽不下者其
方用門冬海石半夏瓜蒌香附連翹黃芩
芒硝等先生亦以為非謂前方味屬甘苦
鹹寒之劑雖能軟堅開鬱化痰降火而不

無損胃之禍若脾土太過氣滯鬱熱而生
痰者用之得宜若脾土不及氣痞虛熱而
生痰者用之必致中滿吞酸肚腹腫脹小
便不利而致愚謂痰結之症若飲食少思
或胸膈不利者此中氣虛弱也宜用補中
益氣湯為主中氣既健其痰自運化若腎
氣虧損津液難降敗濁為痰者乃真臟之
症宜用六味地黄丸為主腎氣既壯津液

清化而何痰之有哉亦有因脾胃虧損中
焦氣虛不能運化而痰者亦有因峻厲過
度脾氣愈虛不能運化津液凝滯而為痰
者凡此皆當健脾胃為主又有因脾經鬱
結而傷陰血者有因腎水虧損而陰火上
炎者有因脾肺火鬱而生痰者治法若因
七情鬱結痰涎滯於喉間者先用局方四
七湯調和滯氣後用歸脾湯調補脾血脾

火傷血用加味歸脾湯肺經鬱火用知母
茯苓湯若婦人患此而兼帶下皆由鬱結
傷損肝脾當佐以四七湯送青州白丸子
此等症候屬脾胃氣虛為本而氣滯痰結
為末也古方用十棗湯控涎丹神祐丸滾
痰丸異香枳實利膈滌痰透羅破飲降氣
化痰等湯蘇合香丸之類皆形病充實之
藥也西北人用之多有效驗其屬虛弱者

痛或發寒熱此為瘰癧宜用柴胡清肝散
 加釣藤鈎山梔以養血氣清肝火若肉色
 不變哺熱內熱屬肝經血虛火旺宜用道
 遙散加龍胆草以養肝血清肝火或結於
 肢節或累如貫珠其色不變亦為肝火
 血燥而筋攣宜用柴芍參苓散加釣藤以
 養血氣佐以六味丸以生腎水
 儒者揚澤之性躁嗜色缺益結一核此肝

火血燥筋攣法當滋腎水生肝血不信乃
 內服降火化痰外敷南星商陸轉大如碗
 余用補中益氣及六味地黄間以蘆薈丸
 年餘元氣漸復而腫消
 一男子素善怒左項微腫漸大如升用清
 痰理氣而大熱作渴小便頻濁余謂腎水
 虧損用六味地黄補中益氣而愈亦有胸
 脇等處大如升或破而如菌如榴不問

大小俱治以前法
一男子頸間結核大潰年餘一男子鬢間
一核初如豆粒二年漸大如桃悉用清肝
火養肝血益元氣而愈
舉人江節夫頸臂脇肋各結一核恪服祛
痰降火軟堅之劑益甚余曰此肝膽經血
少而火燥也彼執前藥至明年六月各核
皆潰脈浮大而瀉余斷以秋金將旺肝木

彼尅必不起後果然此等症候世人多視
以為外科之病而付之瘍醫且忽為小病
而不慎揆知江孝廉竟以此喪其生耶
一婦人經事不調肝膽經分結核如榛如
豆不計其數肉色不變大按方痛或按化
痰消毒之藥不按自痛發熱作渴日晡益
甚余謂屬肝火之症用養血解鬱清肝之
藥百餘劑諸症已退惟項核未消更以當

歸龍膏丸數服及四物柴胡山梔而愈
 一婦人耳前後結核耳內微腫寒熱口苦
 用小柴胡山梔桔梗川芎四劑而愈後因
 恚怒耳前後頭兩角俱痛發熱憎寒以小
 柴胡山梔川芎桔梗羌活二劑而愈詳見外科
 樞要

脾腎虧損小便不利肚腹膨脹等症

十四

大尹劉天錫內有濕熱大便滑利小便瀉
 滯服淡滲之劑愈加滴瀝小腹腿膝皆腫
 兩眼脹痛此腎虛熱在下焦淡滲導損陽
 氣陰無以化遂用地黃滋腎二九小便如
 故更以補中益氣加麥門五味兼服而愈
 州守王用之先因肚腹膨脹飲食少思服

二陳枳實之類小便不利大便不實咳痰
腹脹用淡滲破氣之劑手足俱冷此是三
陰虛寒之症也用金匱腎氣丸不月而康
世醫見小便不利大便不實多用茯苓
芍藥澤瀉等淡滲之藥不以為意先生
每謂淡滲損陽氣而兢乎慎之
絕不用以治此症識見高出等夷吾
人不宜輕忽淡滲之劑而頻服之也

州同劉禹功素不慎起居七情以致飲食
不甘胸膈不利用消導順氣肚腹痞悶吐
痰氣逆用化痰降火食少泄瀉小腹作脹
用分利降火小便瀦滯氣喘痰湧服清氣
化痰丸小便愈滯大便愈瀉肚腹脹大臍
臍突出不能寢臥六脈微細左寸虛甚右
寸短促此命門火衰脾腎虛寒之危症也
先用金匱加減腎氣丸料內桂附各一錢

五分，二劑下，瘕穢甚多，又以補中益氣送
二神丸，二劑，諸恙悉退，五六又用前藥數
劑，并附子之類，貼腰臍及湧泉穴，寸脈漸
復，而安。後因怒，腹悶，感於人言，服沉香化
氣丸，大便下血，諸恙悉至，余曰：此陰絡傷
也，辭不治，果歿。
一富商飲食起居失宜，大便乾結，常服潤
腸等丸，後胸腹不利，飲食不甘，口乾體倦

發熱吐痰，服二陳黃連之類，前恙益甚，小
便滴瀝，大便泄瀉，腹脹少食，服五苓藿麥
之類，小便不通，體腫喘嗽，用金匱腎氣丸
補中益氣湯而愈。
一儒者失於調養，飲食難化，胸膈不利，或
用行氣消導藥，咳嗽喘促，服行氣化痰藥，
肚腹漸脹，服行氣分利藥，睡臥不能，兩足
浮腫，小便不利，大便不實，脈浮大，按之微

細兩寸皆短此脾腎虧損朝用補中益氣
加薑附夕用金匱腎氣加骨脂肉果各數
劑諸症漸愈再佐以八味丸兩月乃能步
履却服補中八味半載而康
一男子素不善調攝唾痰口乾飲食不美
服化痰行氣之劑胸滿腹膨痰涎愈盛服
導痰理脾之劑肚腹膨脹二便不利服分
氣利水之劑腹大脇痛睡臥不得服破血

消導之劑兩足皆腫脈浮大不及於寸只
朝用金匱加減腎氣丸夕用補中益氣湯
煎送前丸月餘諸症漸退飲食漸進再用
八味丸補中湯月餘自能轉側又兩月而
能步履却服大補湯還少丹又半載而康
後稍失調理其腹仍脹服前藥即愈
一男子患前症余為壯火補土漸愈彼欲
速服攻積之劑下血甚多余診之曰此陰

絡傷故血內溢非所宜也後果歿

一男子胸膈痞悶專服破氣之藥余曰此血虛病也血生於脾土若服前藥脾氣弱而血愈虛矣不信又用內傷之藥反吐血余曰此陽絡傷也後果然

陰絡傷故下血陽絡傷故吐血候服攻積之藥故傷陽絡不可不知大都飲食難

花胸膈痞悶小便不利大便不實等

症決不可過于攻尅多成壞症先生但以壯火補土為主所用藥惟金匱

加減腎氣丸八味丸及補中益氣湯湯丸兩者兼而服之信為純王妙理

大方世家湖鄉離群索居山妻趙氏忽嬰痰熱治者多以寒涼偶得小愈三四年餘屢進屢退于是元氣消燼庚子夏遍身浮

腫手足麻冷日夜咳嗽煩躁引飲小水不利大肉盡去勢將危殆幸遇先生診之脉洪大而無倫按之如無此虛熱無火法當壯火之源以生脾土與金匱腎氣丸料服之頓覺小水潰決如泉俾日服前丸及大補之藥二十餘劑而愈三四年間平康無恙迄今甲辰仲春悲哀動中前症復作體如焚燎口肉盡腐胸腹腫滿食不下咽者

四日夫婦相顧束手待斃而已又承先生視之投以八味丸二服神思清爽服金匱腎氣丸料加參芪歸朮朮竟夕而胸次漸舒陟然思食不三日而病去五六矣嗣後日用前二丸間服逾月而起至秋初復患痢又服金匱腎氣丸料加參芪歸朮黃連吳茱朮香痢遂止但覺後重又用補中益氣加木香黃連吳茱朮五味數劑而全愈太

方自分寒素命亦寒剝山妻抱病沉痾本
難調攝苟非先生援救填壑未免今不肖
奔走衣食於外而可無內顧之憂矣然則
先生之仁庇固不肖全家之福亦不肖全
家之感也斯言也當置之座右以為子孫
世誦之不肖常侍先生之側檢閱醫案始
知山妻奏效巔末遂秉書紀二丸藥之聖
且彰先生用藥之神萬一云吳門晚學生

沈大方履文再拜頓首謹書

附論喘脹二症

愚按前症若肺中伏熱不能生水而喘且
渴者用黃芩清肺飲以治肺用五苓散以
清小便若脾肺虛弱不能通調水道者宜
用補中益氣湯以培元氣用六味地黃丸
以補腎水若膏梁厚味脾肺積熱而喘者
宜清胃散以治胃用滋腎丸以利小便若

心火尅肺金而不能生腎水者用人參平
肺散以治肺用滋陰丸以滋小便若腎經
陰虧虛火燥肺金而小便不生者用六味
地黃丸以補腎水用補中益氣湯以培脾
土若脾氣虛弱不能相制而喘者用補中
益氣湯以培元氣用六味地黃丸以生腎
水若肝木尅脾土不能相制而喘者用六
君柴胡升麻以培元氣六味地黃丸以補

腎水若脾胃虛寒不能相制而脹者用八
味丸以補脾肺生腎水若脾腎虛寒不能
通調水道而脹者宜用金匱加減腎氣丸
補脾肺生腎水若酒色過度虧損足三陰
而致喘脹痰湧二便不調或大便道相牽
作痛者亦宜用此丸多有生者

一男子盛暑發熱胸背作痛飲湯自汗用發表之藥昏憤譫語大便不實吐痰甚多用十全大補湯一劑頓退又用補中益氣湯加炮姜二劑全愈
大司徒李蒲汴南少宰時濕熱泄瀉因未至子感于人言淡滲之劑能瀉腎因服參芪之藥後變黃疸小便不利胸滿腹脹余曰有是病必用是藥以茵陳五苓散加芍

連山拖二劑而愈至辛卯溼子公執余手而笑曰醫方猶公案也設君避毀譽殘喘安得享餘年而遂付託之望哉繇是禮遇益厚
若小便不利四肢沉重渴不欲飲此濕勝於熱用大茵陳湯大便自利茵陳拖子黃連湯若往來寒熱身黃者宜用小柴胡加拖子若因勞傷形體飲食失節而身黃者

用二小半夏湯一蓋黃疸為內傷不足之症宜
調補脾胃元氣為主若妄用驅逐復傷元氣多
致不起

此二條係黃疸症
應天王治中遍身發黃妄言怒狂苦于胸
痛手不可近此中焦蓄血為患用桃仁承
氣湯一劑下瘀血而愈
太守朱陽山弟下部蓄血發狂用抵當湯

而愈

此二條係蓄血症

一男子夏月入房食水果腹痛余用附子
理中湯而愈有上舍徐民則同患此不信
別用二陳苓連枳實香茹飲之類而死

附論傷暑諸症

愚按東垣先生曰暑熱之時無病之人或
避暑熱納涼於深堂大厦得之者名曰中

暑其病必頭痛惡寒身形拘急肢節疼痛
煩熱無汗為房室陰寒之氣所遏名曰中
喝以大順散熱藥主之若行人或農夫於
日中得之者名曰勞役中熱其病必苦頭
痛躁熱惡熱肌熱大渴汗泄懶動為天熱
外傷肺氣以蒼朮白朮湯涼劑主之若人
元氣不足用前藥不應宜補中益氣湯主
之太抵夏月陽氣浮於外陰氣伏於內若

人飲食勞倦內傷中氣或酷暑勞役外傷
陽氣者多患之法當調補元氣為主而佐
以解暑若中喝者乃陰寒之症法當補陽
氣為主少佐以解暑故先哲多用姜桂附
子之類此推內經揜時從症之良法也今
患暑症歿而手足指甲或肢體青黯此皆
不究其因不溫補其內而泛用香薷飲之
類所誤也夫香薷飲乃散陽氣蕩真陰之

劑也。須審有是症而服。亦何患哉。若人元氣素虛。或犯房勞過度。而飲之者。適所以招暑使中也。至若清暑益氣湯。內用澤瀉。猪苓之類。必審其果有濕熱壅滯。方可用之。否則虧損其陰。而傷其目矣。所當審察。儀部李北川仲夏患腹痛吐瀉。兩手足攣。之則熱。按之則冷。其脈輕。診則浮大。重診則微細。余曰。此陰寒之症也。急服附子理

中湯。不應。仍服至四劑而愈。

文選。姚海山中暑。頭痛發熱。氣高而喘。肢體倦怠。兩手麻木。余謂熱傷元氣。用人參益氣湯。頓安。又用補中益氣湯。加麥門五味而痊。
愚按。丹溪先生云。天地以五行更迭。氣旺而成。四時人之五臟六腑亦應之。而衰旺。四月屬巳。五月屬午。為火太旺。火為肺金。

之夫火旺則金衰六月屬未土太旺土為
水之夫土旺則水衰况腎水嘗藉肺金為
母以補其不足古人於夏月必獨宿而淡
味保養金水二臟經曰冬藏精者春不病
温十月屬亥十一月屬子心火氣潛藏必
養其本然之真而為來春發生之本能於
此時不恣欲以自戕至春升之際根本壯
實何病之可言哉


玉節齋言傷暑發熱汗大泄無氣力脉虛
細而遲此暑傷元氣也治法以參芪麥門
冬白芍陳皮茯苓黃連甘草黃柏白朮香
薷知母白扁豆水煎服薛先生云愚按前
症有熱傷元氣而汗出者有勞傷元氣而
汗出者有因元氣素虛腠理不密而汗出
者治法暑傷元氣者清暑益氣湯勞傷元
氣者補中益氣湯元氣素虛而自汗者十

全大補湯如兼盜汗佐以六味丸加五味子前云大汗無力脈虛細遲屬陽氣虛弱內黃栢知母恐後復傷陽氣芍藥茯苓恐導損陰氣也治者審之
王節齋云若暑月過用生冷茶水傷其內又過取涼風傷其外以致惡寒發熱胸膈飽悶飲食不進或兼嘔吐泄瀉此內外俱傷寒涼也治法以人參乾姜厚朴陳皮菴

活茯苓枳實白木甘草姜水煎服薛先生云前症宜用此方如未應宜用藿香正氣散若內外已解寒熱未退或飲食不進宜用六君子保命集云霍亂屬陽明症宜用和中平胃建中湯葷或四君子湯脈浮自汗四君子加桂枝去之脈浮無汗四君子加麻黃吐利轉筋脇下痛脈弦者木尅土也用平胃散加木瓜或建中加柴胡木瓜

吐利轉筋腹痛體重脈沉而細四君子加
 白芍藥良姜吐利四肢拘急脈沉而遲屬
 少陰四君加姜附厚朴吐利四肢厥冷脈
 微緩屬厥陰建中加歸附吐利頭痛而身
 熱熱多欲飲水者五苓散寒多不欲水者
 理中丸主之元戎云太陰症霍亂者理中
 加橘紅吐下腹痛手足逆冷理中加熟附
 子吐利後轉筋者理中加火煨石膏一两

進士劉公華甫夏月食生冷菓品患腹痛余
 用附子理中湯一鍾頓安凡方內用木瓜者俱用
 砂蜜煎炒惡鐵故也餘
 方做
 若人元氣虛弱或在途中宜常服補中益
 氣湯去升柴加麥門冬五味子或少加炒
 黑黃柏甚妙人參益氣湯亦佳



Kitasato Memorial Medical Library

